

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION



DIARIO

DI ARUBA

Bo Matutino Netamente Arubiano

DIASABRA 30 JANUARI 1988

ABONADO PA LUNA 15,00 FLS. * EJEMPLAR 0,60

AÑA 8 NO 2199

SOLDAD ARUBIANO KIER A HORCA

ORANJESTAD (AAN)—

Un joven soldad cu tin algun luna den servicio Militar na Savaneta Kamp kier a horca su curpa den un cel den camp.

E joven soldad aki ta Arubiano di inicial apelido R. kende pa basta luna ta confronta problema serio y como tal el ta bao di vigilancia di guardia di camp

y te hasta el a ser cera den cel di warda di polis.

E joven soldad aki na hopi ocasion su coleganan a papia di tur manera cune ya cu e tabata hui for di campamento y despues di algun dia e ta ser deteni.

Fuera di ta hui for di camp. e soldat aki tin varios delito ariba su cabeza cu el a comete y otro

siman e tin cu presenta dilanti " Krijgsraad" cu ta corte di camp.

Algun dia pasa nan a logra di detene y a serele den un cel sin cu esaki ta na yabi, pero bao di vigilancia di guardia (soldad) di camp mes.

Despues di algun dia nan a mande warda di polis na San Nicolas cu ta mas ade-

cuado. Como cu nan tabata tin mester di dje na camp pa interrogacion el a ser treci.

Nan a pone den un cel y cera na candal ya cu no ta tuma riesgo cune, debi cu e ta hui asina cu e haya un oportunidad..

Guardia tabata controla su pasonan cada instante y diripiente e guardia a nota

cu e ta horgando su curpa y mes ora guardia a habri e porta y asina stroba e intento.

Cu ambulancia el a ser transporta pa hospital y despues di tratamiento el a ser trece kazerne.

Sin duda ta un caso hopi tristo ya cu marina real no sa mas kico haci cu e joven soldad aki.

JOSSY MANSUR:

LLANO MONTES TA BOLBE LANZA CALUMNIA BAHU

ORANJESTAD (AAN)

Segun DIARIO por a comprende, ayera un articulo a sali den e corant mafioso di Caracas, El Mundo, den cual Antonio Llano Montes un biaha mas ta haci su

mes culpable di calumnia serio (y cu lo ser castiga na su debido tempo pa autoridadnan judicial Americano). El a manda un informacion bisando cu un barco di, e "magnate" Jossy Mansur lo a ser

confisca na Miami cu un cargamento di cocaína.

Ta trata di un barco cu ta navega bao e nomber di "Cuyuni"; y cu ta presta servicio pa King Ocean Lines. Segun Antonio Llano Montes, autoridadnan anti-narcotica lo a haya un lote di cocaína den un container tipo "reefer" (cu ta transporta cuminda refrigera).

DIARIO a tuma contacto cu Miami y por a averiguar cu e noticia no a sali den ningun corant na Miami, ni den Miami Herald ni den Diario Las Americas. Ta Antonio Llano Montes so tabata na altura di dje, huzzando pa e articulo den El Mundo.

Otro fuentenan di DIARIO na Miami a confirma cu cocaína a ser haya den un container procedente di Aruba via Venezuela, treci pa e barco "Cuyuni".

Antonio Llano Montes, mustRANDO atrobe un desprecio total pa berdad, a informa cu e barco ta

Sigui lesa pag. 11

FISCAL A CONFISCA CADAVER DI ANCIANA UN DIA PROME CU ENTIERO

ORANJESTAD (AAN)—

Awe tardi mester tuma lugar entiero di Señora Theresa Eudoxie Violenes kende a ser haya morto den su cas Diarazon ultimo na San Nicolaas, pero Fiscal a laga confisca e morto

ayera tardi 5or.

Dia cu e señora aki a ser haya morto, Docter a constata cu ta morto natural. Ora cu e agencia funeral tabata prepara e morto nan a nota cu e tin hopi sla

Sigui lesa pag. 12

REINA INFANTIL 1988



ZAIDA EVERON DI NOORD

JOHN BOOI A ENTREGA RETIRO NA STATEN



ORANJESTAD (AAN)—

Ayera mainta Presidente di Staten Mr. Hector Gonzales a haya carta di retiro di Parlamentario John

Booi Lider di fraccion di A.D.N.

E carta ta fecha 28 di Januari y Sr. Booi ta pidi su retiro pa entrante Dialuna 1 di Februari 1988.

E carta ta bisa cu ta ariba peticion di partiiraad di A.D.N. pa entrega mi asiento di Staten na partido pa asina Pedro Kelly por tume over.

Parce cu Sr. Booi a pone den su carta di retiro cu e no ta di acuerdo cu curso di e partido ADN pa motivonan fundamental y varios otro motivonan cu e no por bisa.

Tabata dificil pa haya contacto cu John Booi ya cu constantemente su telefoon ta ocupa.